



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1702. usque ad annum 1708

Fleury, Claude

August. Vind. [u.a.], 1781

VD18 13322648

§. 97. Opera & obitus Scriptorum A catholicorum.

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

§. XCVII.

*Opera & obitus Scriptorum Aca-
tholicorum.*

Sæc. XVII.
A. C. 1705.

Ex Scriptoribus Eterodoxis obiere hoc anno non pauci, ex quibus celebriores seligimus, & quidem I. die nona Octobris decessit Joannes Christophorus Wagenfeil, qui typis vulgavit tela ignea Sathanæ, Dissertationem in cap. 49. v. 10. Genes. exercitationes varii argumenti, & de Joanna Papissa, librum Talmudicum Sota, & alia nonnulla. II. Laurentius Begerus edidit Thesaurum ex Thesauro Palatino selectum, Spicilegium antiquitatis, lucernas veterum sepulcrales Iconicas, numismata Romanorum Pontificum, aliorumque Principum Ecclesiasticorum rariora, & examen quorundam dubiorum. III. Joannes Stubnerus publici juris fecit Officium hominis & Christiani, Hominem Div. Sapientiæ, potentæ & Benignitatis compendium, Normam morum præter alia. IV. Jacobus Triglandius scripsit vindicias S. Scripturæ, de Karæis, de corpore Mo- sis, de libro Justorum &c. V. Christophorus Loeber vulgavit duodecim dissertationes in Hutteri compendium, Explicatorem Evangelicum, explica-
tionem

*Nov. lit.
Germ. Ci-
marol. Mem.
Sæc. XVII.*

Sæc. XVII
A. C. 1706

tionem Passionis, controversias contra Quaqueros & Syncretistas, Historiam Ecclesiasticam Orlamundanzæ Ephorizæ ejusque Indiculum, superstitionem climactericam, præter varias disputationes. VI. Joannes Schilterus scripsit de pace religiosa, institutiones juris civilis, publici Romano - Germanici, & Juris Ecclesiastici, pluraque alia.

§. XCVIII.

Clementis XI. Pontificis querelæ ad Ludovicum Franciæ Regem contra Cleri Gallicani Præsules.

*Vid. supra
pag. 268.
Argentre
Coll. Jud.
t. 3. p. 456.*

Jam anno priori memoravimus, Pontificem ægerrime tulisse, quod Cleri Gallicani Præsules Constitutionem Pontificiam contra Jansenistas suo examini subjecerint, sibi que de rebus dogma concernentibus judicandi facultatem auctore Archiepiscopo Rothomagensi arrogantes, duntaxat hanc Pontificis Bullam *per viam Judicii* acceptarint, eamque nonnisi post acceptationem a corpore Pastorum factam obligare pronuntiarint. Eapropter Clemens XI. Papa ad ipsum Ludovicum Franciæ Regem die trigesima prima Augusti querulas hæc dedit literas.

„Charissime in Christo Fili noster,
„quæ sub nomine postremi Conventus
Cleri